



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 55. Epistolæ Comitis Irenæi.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.  
A.C. 431.

gere ad hauriendum liberiores aërem non  
audemus. Vestram Misericordiam obtesta-  
mur! a dira morte nos liberate! efficite,  
ut ad Civitatem Cæsaream ire liceat, ubi  
rationem fidei nostræ reddemus, atque ho-  
minum istorum nequitiam, hæresimque  
probabimus; nisi velitis, ut furoris ipso-  
rum victimæ cadamus. Adjuramus vos  
per liberos vestros, & quidquid vobis ob-  
vium, obsecramus per Dei Judicium, inno-  
centiam nostram ne destituite, cito eripite  
nos ex hoc loco, ut saltem libero cæli hinc  
frustu fruamur! Epistola ad Scholasticum  
non ita pathetice scripta; eadem tamen  
querelæ afferuntur, rogantque, ut ipsius  
opera litteræ suæ Imperatori prælegan-  
tur. Has epistolas omnes Comiti Irenæo,  
Constantinopoli tunc versanti, miserunt,  
a quo post dies aliquot relationem eorum,  
quæ ibi a tempore adventus sui acta erant,  
acceperunt.

§. LV.

*Epistolæ Comitis Irenæi.*

*Vix tandem, inquit: licet mihi hodie ad*  
*vos scribere, vix tabellarium fidelem*  
*invenire. Ægyptiaci triduo ante me*  
*Constantinopolim advenerant; omnium*  
*animos mendaciis, & calumniis, contra*  
*nos vulgatis, occupaverant, ita ut viri in*  
*Dignitate constituti, crederent, bellissi-*  
*mam illam depositionem (de depositione*  
*Nesto-*

*Conc. Ephes.*  
*p. 717.*

Nestorii loquitur) *statutam in Iudicio, Sæculum V.*  
*quod examen juxta Canones præcessisset, A.C. 431.*  
 & in Conventu omnium Episcoporum, qui  
 unanimiter sententiam in contumacem  
 pronuntiassent. Magnifico Scholastico per-  
 suasum fecerant, probibente Nestorio ne-  
 minem vocem Theotocos Epbesi pronuntia-  
 re. Nihilominus per invictam veritatis  
 vim, & preces vestras, exhaustis primis  
 periculis, obtinui, ut Magistratibus lo-  
 qui, & rei veritatem exponere licuerit.  
 Hi rem ad Imperatorem deferendam exi-  
 stimarunt, tandemque, post multa hinc il-  
 lincque colloquia, statutum, ut Imperator  
 nos, me inquam: & Ægyptiacos coram  
 Magistratibus audiret. Frustra opposui,  
 me hunc in finem non venisse, nec talia ab  
 Episcopis mandata accepisse, me solummo-  
 do hac in causa epistolarum bajulum fuis-  
 se; nihil propius fuit, quam ut, hæc di-  
 cens, occiderer.

Ergo, Deo adjuvante, Adversarii nostri  
 damnati sunt, cum nec Acta Depositionis,  
 nec mendacia, quæ protulerant, possent de-  
 fendere; clare enim monstrabatur, Ægy-  
 ptiacum congruo ordine non convocasse  
 Sessionem, nec Iudicis Personam potuisse  
 sustinere, cum & ipse inter illos fuisset,  
 in quos Iudicium ferendum, nec causa tra-  
 ctationem absque Comitibus Candidiani con-  
 sensu fuisse inchoandam. Omnes contesta-  
 tiones lectæ, lectæ quoque Imperatoris epi-  
 stola

Sæculum V. A.C. 431. *stola ad Concilium, quam ipse attulerat, & omnia reliqua explicata. Ita tandem veritatis inimici uno ore damnati, Judicium vestrum receptum, & approbatum. Depositio Ægyptiaci illico, jubente Imperatore, ad Ecclesiam delata, & iudicatum, eundem omnia tyrannice, & contra Canones egisse. Hic fuit colloquii coram Imperatore eventus.*

*At vero, postquam Joannes Medicus, & Cyrilli Syncellus, ut scitis, advenit, plerosque Magistratum animo mutatos advertimus, nec quidquam de iis, quæ ipsi præsentibus iudicata fuerant, æquo animo audire posse. Dicebant aliqui, ea, quæ utrinque gesta erant, confirmari oportere, & non tantum duorum, sed trium illorum Episcoporum depositionem ratam esse habendam; aliis videbatur, omnes Depositiones æqualiter nullas pronuntiandas, & advocandos ex Episcopis aliquos, ut quæ vere acta fuissent Ephesi, exquireretur; aliis aliud est consilium, & omnino conatu adlaborant, ut ipsi cum mandatis Imperatoris Ephesum mittantur, ibique causam secundum acta, & probata finiant. Qui vos amant, Deum rogant, ne ultimum istorum sententia obtineat, scimus enim, quibus ex causis, & consiliis id exoptent. Fiet, quod Domino placuerit; interim Deum instanter pro me orate, qui tot periculis caput objeci, quibus necdum omnibus*

*bus defunctus sum; nam testis sit mihi Deus! tunc, quando ad Imperatoris conspectum vocatus fui, nihil magis certum existimabam, quam me in mare præjiciendum.* Hæc Comitissæ Irenæi epistola est. Ultima, quam retulimus, quorundam sententia vicit, & Joannes Comes, Largitionibus, seu ærario Præfectus Ephesum missus.

Sæculum V.  
A C 431.

## §. LVI.

*Sessio sexta. Charissi Libellus.*

Joanne Comite in itinere agente, Concilium Sessionem sextam in Domo Episcopali Memnonis, undecimo Kalendas Aug. seu 28va Epiphi, id est, 22da Julii, celebravit. S. Cyrillus tanquam Papæ Vicarius, præerat; Sacræ Sedis Legatorum nomina demum post omnes Episcopos visuntur. Petrus, Presbyter Alexandrinus, & Notariorum Primicerius, dixit: *Sacrum Concilium, volens fidei, & paci Ecclesiarum providere, fidei definitionem proposuit, quam in manibus habemus; jussit Concilium, ut legeretur, & Actis infereretur.* Primo positum erat Symbolum Nicænum, additis verbis: *hæc illa est sancta fides, quam totus orbis credere tenetur, quia universæ Ecclesiæ, quæ sub cælo degit, utilis est, & sufficit. Quia tamen sunt, qui banc confiteri simulant, ejus autem sensum pro cerebri sui luxuria expli-*

*Edit. Mer-  
cat. ap. Ba-  
luz. p. 610.*